

Ođđa láhka stáhtalaš buhtadusa birra veahkaválddi gilláma geažil (veahkaválddi gillájeaddji buhtadusláhka) fápmuduvvo ođđajagimánu 1.b.2023.

Ođđa láhka mielddisbuktá rievdadusaid mat sáhttet váikkuhit veahkaválddi gillájeaddji vuoigatvuhtii oažžut buhtadusmávssu veahkaválddi gilláma geažil. Láhkarievdadusat gusket earret eará dasa gos veahkaváldi lea dáhpáhuvvan, makkár vahátdaguid ovddas sáhtta oažžut buhtadusa ja áigemearri ohcat stáhtalaš buhtadusa. Dat mielddisbuktá ahte sii geat leat gillán veahkaválddi, muhto eai leat vel ohcan buhtadusa, berrejit guorahallat movt láhkarievdadus váikkuha sidjiide, ja lea go dárbu sáddet buhtadusohcamuša ovdal ođđajagimánu 1.b.2023 oažžut veahkaválddi gillájeaddjiid buhtadusa stáhtas.

Váldde oktavuođa Láhkarihkkuma gillájeaddjiid kantuvrrain jos háliidat eanet dieđuid lága birra ja muđui veahkaválddi gillájeaddjiid buhtadusortnega birra.

Bálvaluskantuvrra oktavuođadieđut:

E-poasta: post@voldsoffererstatning.no

Telefovdna: 78 98 95 00

Deháleamos rievdadusat mat sáhttet váikkuhit du áššái:

Goas galgá ohcat?

Ođđa lága mielde ii leat šat dárbu ohcat veahkaválddi gillájeaddjiid buhtadusa go duopmostuollu lea ránggáštusášši duomu bokte mearridan buhtadusa, muhto dál galggat buhtadusa gáibidit Láhkarihkkuma gillájeaddjiid ráđđeaddikantuvrra bokte, mii meannuda veahkaválddi gillájeaddjiid buhtadusohcamušaid mañimustá guhtta mánu mañjil go duopmu lea riektevuoimmálaš. Dat mearkkaša ahte jos ođđajagimánu 1.b.2023 lea eanet go guhtta mánu das rájes go duopmostuollu mearridii dutnje buhtadusa, de ii leat šat dus vuoigatvuohta gáibidit buhtadusa. Jos dat gusto dutnje, ja don háliidat veahkaválddi gillájeaddjiid buhtadusmávssu, de fertet ovddidit buhtadusohcamuša ovdal ođđajagimánu 1.b.2023.

Jos buhtadusgáibáduš ii leat meannuduvvon ránggáštusáššin duopmostuolus, muhto don almmatge háliidat veahkaválddi gillájeaddjiid buhtadusa, de fertet ođđa lága mielde ohcat buhtadusa jagi siste mañjá go loahpalaš duopmu lea celkojuvvon ránggáštusáššis. Dat mearkkaša ahte jos ođđajagimánu 1.b.2023 lea mannan guhkit go jahki dan rájes go loahpalaš duopmu celkojuvvui ránggáštusáššis, ja don háliidat veahkaválddi gillájeaddjiid buhtadusa, de fertet ovddidit buhtadusohcamuša ovdal ođđajagimánu 1.b.2023.

Gos galgá veahkaválddálášvuohta dáhpáhuvvan?

Ođđa láhka gusto daguide mat leat dáhpáhuvvan go veahkaváldi ja veahkaválddálášvuođa gillájeaddji leigga Norggas. Dat gusto maiddáii jos ránggáštusvuloš dahku dáhpáhuvvá olgoriikkas, jos veahkaválddi gillájeaddji ássá Norggas ja duopmu lea celkojuvvon Norgga duopmostuolus. Dat mearkkaša ahte veahkaválddi gillájeaddjis gii ássá Norggas, ii leat ođđa lága mielde vuoigatvuohta gáibidit veahkaválddi gillájeaddjiid buhtadusa vahágahttima ovddas mii lea dáhpáhuvvan olgoriikkas ja ránggáštusáššis ii leat celkojuvvon duopmu Norgga duopmostuolus. Ođđa lága mielde sáhtta veahkaválddi gillájeaddji gii ássá Norggas dušše erenoamáš oktavuođain oažžut veahkaválddi

gilláeddjiid buhtadusa vahágahttima ovddas mii lea dáhpáhuvan olgoriikkas. Jos dat gusto dutnje, ja don háliidat veahkaválddi gilláeddjiid buhtadusa, de fertet ovddidit buhtadusgáibádusa ovdal ođđajagimánu 1.b.2023.

Makkár daguid ovddas sáhtta gáibidit buhtadusa?

Ođđa lága mielde ii dárbbas šat veahkaválddi gilláeddji duođaštit ahte lea gillán vahágahttima veahkaválddi dáhpáhusa geažil. Dus lea vuoigatvuohta oažžut buhtadusa jos leat vásihan daguid mat lágas namuhuvvojit. Oarbásiin, sin manis geat leat gillán lágas namuhuvvon daguid, sáhtta leat riekti veahkaválddi gilláeddji buhtadussii ođđa lága vuodul.

Ođđa veahkaválddi gilláeddjiid buhtadusortnegii gullet maid čuovvovaš dagut mat leat namuhuvvon ránggáštuslagas 2005 ja ránggáštuslagas 1902:

Terrordagut	§ 131	Šlávavuohta	§ 259	Sohkabeallái vuodđuvvon illasteapmi/vaháguhttin	§ 284	Roavva veahkaváldin vuollel 14 jahkasaš mánáid vuostá	§ 301
Roavva terrordagut	§ 132	Roavva áitagat	§ 264	Roavva sohkabeallái vuodđuvvon illasteapmi	§ 285	Seksuálalaš ovtastallan mánáiguin geat leat gaskal 14-16 jagi	§ 302
Roavva illasteapmi, áitagat dahje roavva vahátváikkuhus almmolaš bálvalusolbmuid vuostá	§ 155 a	Roavva rumašloavkašuttin	§ 272	Seksuálalaš veahkaváldin	§ 291	Roavva seksuálalaš ovtastallan jna. gaskal 14-16 jahkasaš mánáid vuostá	§ 303
Bággen	§ 251	Rumašvahágahttin	§ 273	Roavva seksuálalaš veahkaváldin	§ 293	Seksuálalaš dagut vuollel 16 jahkasaš mánáid vuostá	§ 304
Roavva bággen	§ 252	Roavva rumašvahágahttin	§ 274	Roavva dáhtokeahtes seksuálalaš veahkaváldin	§ 294	Seksuálalaš rihkolaš láhtten vuollel 16 jahkasaš mánáid vuostá	§ 305
Bággonáittus	§ 253	Goddin	§ 275	Fámu ja válddi boasttugeavaheapmi	§ 295	Inseasta	§ 312
Roavva friddjavuođarivven	§ 255	Dáhtokeahtes goddin	§ 281	Seksuálalaš ovtastallan olbmuiin gii čohkká giddagasas	§ 296	Inseasta oarbinaččaid gaskkas	§ 313
Olmmošgávppašeapmi	§ 257	Illasteapmi lagaš olbmuid gaskkas	§ 282	Seksuálalaš dagut miehtama haga	§ 297	Seksuálalaš ovtastallan eará lagas olbmuid gaskkas	§ 314
Roavva olmmošgávppašeapmi	§ 258	Roavva	§ 283	Veahkaváldin vuollel 14 jahkasaš mánáid vuostá	§ 299	Roavva rievideapmi	§ 328

		Illasteapmi lagaš olbmuid gaskkas					
--	--	--------------------------------------	--	--	--	--	--

Dat mearkaša ahte, sii geat leat vásihan daguid mat dás ovdalis eai leat namuhuvvon ja oarbásat sin maŋis geat leat vásihan daguid mat dás ovdalis eai leat namuhuvvon, sáhttet ohcat veahkaválddi gilláeddjiid buhtadusa gustojeaddji lága vuodul, muhto eaktun oažžut veahkaválddi gilláeddjiid buhtadusa lea ahte buhtadusohcamuš ovddiduvvo ovdal ođđajagimánu 1.b.2023.